

سنہ : ۱

ماہ : ۱۳۳۲

صافی : ۲

دارالافتون

خفون فاہولتہ محمدیہ

حقوق ، سیاسیات ، اقتصادیات

ایک آبدہ برنر انور

# قسم اقتصادى

## بين الملل مناسبات اقتصاديه

زمان حاضر مناسبات اقتصاديه سنك تكاملى تحليل ايديله جك اولورسه بر « مركبه اقتصاديه » نك احتوا اينديكى هراقتصاد فردينك ايكى نوع رابطه سى اولدينى تجلى ايدر . برطرفدن هراقتصاد فردى ، بولندينى مملكتك ديكر اقتصاد فرديليله رابطه دار اولدينى كي ديكرطرفدن مختلف ممالك وقطعاتك اقتصاد فرديلرى آره سنده كوندن كونه دها كثير ومتلاصق برشكل آلان روابط تظاهر ايتكمده در .

بر ملت اينجده مناسبات اقتصاديه نك دائره احاطه وطرز اجراسى اوزون زمانلردن برى صوك درجه مهم بروسعت وكثافت اكتساب ايدرك براقصاد مى وجوده كشيدي . مناسبات اقتصاديه بين الملل ايسه آنجق صوك زمانلرده اكتساب اهميت وكثافت ايتكمه ، مستقل وبستون خصوصى دينله بيله جك بر طاقم تمايلات وانكشافات اظهار ايلكمه باشلامشدر . بومناسبات اقتصاديه بين المللك هيئت مجموعه سنده بوكون « اقتصاد جهان » Weltwirtschaft نامى ويريليورسده بواسم ، مناسبات اقتصاديه نك بوكونكى درجه انكشافه نظرآبك ايركندر . زيرا اقتصادجهانده بوكون برحقوق مشتركه مباديسندن ، برتشكيلات اقتصاديه عموميه مقدماتندن ، حقوقي سيستمك حدودينى كچه ميان بر سربستى باشلانغچندن باشقه برشى موجود دكلدر .

اقتصاد ملينك اداره سنده اقتصاد فرديده كي اراده ، براراده مشتركه موجود دكلدر اقتصاد بين المللده ايسه بو ، دها هيچ موجود اوله ماز . لكن بتون بونلره رغماً مناسبات اقتصاديه نك هيئت مجموعه سى ، بومناسبانده مبادله اموالدين باشقه برشى اولماديغى دوره ابتدائيه يي كچمشدر .

بوكون دخی فردى اقتصادلرى يكديكرينه برلشديرن ومملكتلرى يكديكرينه ربط ايدرك تأثيرينى بتون دنيايه تشميل ايدن اقتصاد بين المللك اك شايان دقت شكلى بين الملل مبادلات اموالدر . ( Güterverkehr )



اشبو مبادله اموال كيفيتي بك ظاهر وعاني ولحق اعتباريله اهميتي احصائيات ايله اخراجات وادخالات ايستاتستيقلري معاوتيله قولايجه آ كلاشيلور ؛ بين الملل مبادلات اموال ، ملي مبادلات اموالده اولديني كي احتياجات بشريه نك تسويه و استيفاسنه ياراياجق اموال و اشيا نك مستهلكينك احتياجاتنه عرض اولنسي مقصدي تعقيب ايتديكندن بشرك احتياجاي تنوع وتعدد ايتديكجه ملئر آره سنده مبادلات ده اودرجه كسب وسعت ايدر ومبادله اولنان اموالك انواعي ده اودرجه ترايد ايله ر .

اموالده اولديني كي انسانلر دخي مملكتدن مملكته يامبادلات اموالي توسيع وتسهيل ايتك مقصديه وياخود مناسبات حقوقيه نك حال طيعيسنده بولنديني زمانلرده هر هانكي بر مقصد ايله كيدوب كليرلر . ايسته انسانلري ديكر اقتصادي محيطلرده استحصال ويا استهلاك مقصديه موقت وياخود دائمي اقامتكاه تحريسنه سوق ايدن بوكيفيته آلمانجه ده ( Menschenverkehr ) مراحلات افراد اطلاق اولنوركه تاثيرات اقتصاديه خصوصيه حصوله كتيبر .

مبادلات اموال و مراحلات افراد ، نقلياته عرض احتياج ايتديكي كي نقلياته بونلره باغليدر بين الملل خدمات نقليات ( Transportleistungen ) ملئر آره سنده كي مناسبات اقتصاديه ده خصوصي تاثيرات اقتصاديه ظهورينه سبييت ورن آري ، مستقل برغروب تشكيل ايدر . انواع مختلفه اموالك نقل وارسالي ، بك قيمتدار وسائط نقليله استعمال ، بين الملل سيغورطه لري ( Versicherung ) ميدانه چيقارمشدر . سيغورطه ، بين الملل نقليات قوت واقتداريني اتمام واستكمال ايدر . وبويله جه سيغورطه دردنجي بر غروب توليد ايدن مناسبات مستقليه بادي اولور .

اقتصاد ملينك تكامل و انكشاف ايله عوامل ثلثه استحصاليله دن بالخاصه سرمايه اك زياده حائر اهميت اولمش وعوامل سائر اوزرينه تفوق ايتمشدر . بين الملل مبادلاتده اقتصاد فردينك موقعي ، اقتصاد مليده حائر اولديني موقعدن باشقه برشي اولماديني جهتله سرمايه نك اشبو تفوق ، دنيا نك هر طرفنده عيني صورتله اجراي تاثير ونفوذ ايتكده در . اراضينك وخزينه طيعت عالمك ايشله دلمسي ، هر مملكتده كسب وسعت ايتكده اولان حيات صنايع ايله اصول اقتصادينك كثافت مترايده سي نظردقته آله جق اولورسه كيفيت مذكوره ده ها واضح بر صورتده تظاهر ايدر . فقط اشبو تكامله واصل اوله بيلمك ايجون سرمايه يي هر هانكي بر اقتصاد ملين ديكرلرينه نقل وارسال ايتك لازمدر . ايسته بويله جه بين الملل سرمايه نك تداولي ( Kapitalumsatz ) كيفيتي حصوله كليركه بوده مناسبات اقتصاديه بين الملله ديكر بر غروبدر .

آنف الیایان روابط و مناسبات، انتظام و تسهیل معاملات و موجب اولان موازنه تأدیاتی استلزام ایدر. بونکله ده مشوش و مناسبات مستقله جدیدیه سیبیت ویرن بر اصول تسویه میدانه چیقار. ایسته بوضوئله بین الملل مناسبات اقتصادیه ده آلتنجی بر غروپ دهها تشکل ایدرکه یوکا بین الملل تسویه حسابات، (Zahlungsausgleich) نامی ویریلیر.

بورایه قدر بیان اولونان بین الملل مناسبات اقتصادیه نك كافه سی، صفحه مبادله یه عائد وراجعدر. فقط صوك زمانلرده استحصالات دولایسیله استهلاكات، شمدي یه قدر اكثریا قوی بر رابطه و مناسبتی حائر اولیه رق منعقد اولان بین الملل قارتل ائتلافاتی - Kartell (abmachungen) ایله تنظیم و اداره ایدلمكه چالیشلمقده در. اشبو قارتل ائتلافاتك حصولی ایله انجیق مناسبات بین المللك تكامل وانكشافنی تأمین متوقفدر. ائتلافات مذكوره ماهیت داخلیه لری دولایسیله بین الملل حرکاته یوقاریده کیلردن دهها فضله بر صورته تاثیرات اجرا ایدر. حتی شو تاثیرك قوتی اوقدر شدتیدرکه بین الملل مناسباتی تحت اداره منه آله بیله جك وتعیین ایدیه بیله جك بر ماهیتده در.

اشبو مختلف غروبلرك هر برینك یالكز باشنه مطالعه سنده بین الملل مبادلات اموال، اقسام اصلیه واساسیه تقریق ایدیلررك تدقیق وایضاحه محتاج دكلدر. [۱] چونكه بونلرك بر قسمی پك معلوم اولدینی کی بر قسمی حقنده پك متوسع اولان احصائی معلومات ایله بر فكر ایدنك قابلدن. بین الملل مبادلات اموالك ماهیتنی تدقیقه اموالك اسباب تداولنی ومبادله اموالك انكشاف وتكامل ایتدیکی شكللرنی نظر دقه آلق ایجاب ایدر.

ملتن ملته وقطعاتدن قطعانه مبادله یی حصوله كترین اسباب، براقصاد ملی حدودی داخلنده کی مبادلات اسبابك عینی وهیچ اولمازسه مشاییدر. بر شرط استحصال اوله رق طبعك مختلف خواصی حائر اولمی، عوامل استحصالیه دن اوله رق انسانلرك باشقه باشقه اوصاف ایله ممتاز اولملری وینه استحصالك اساسی اولان جمعیت بشریه آره سنده کی فروق اساسیه، اقتصاد ملیده اولدینی کی شكل استحصال اموالك وامواله قارشی اولان

[۱] مجموعه ده اشبو مقاله یه تخصیص ایدیه بیله جك اولان محلك پك طاراولمی اعتباریه بین الملل مناسبات اقتصادیه دن تشعب ایدن هر غروپك انجیق عمومی بر نظر ایله تدقیق ومطالعه سی قابل اوله یلمشدر عینی سبیدن دولای مسئله نك توضیح وحقیقی اراهه ایچون الزم اولان مواد یالكز فرصت دوشدكجه تماس ایدلمشدر.



احتیاجك تخالفی موجب اولمشدرکه بونك ده بین الملل مبادلات طریقله رفع والغاسنه چالیشلمقدده در. شرائط طبیعی آرهنده موجود اولان تخالف، استحصالك مقدار تمتع ومصارفنده بین الملل بر تقسیم اعمال طبیعی حصوله سببیت ویره بیلجك قطعی فرقلری موجب اولمشدر. بین الملل بو تقسیم اعمال، ایشله دلمسی قابل اولان هر نوع خزان معدنیك وینه اراضیده موجود وانك زرعی ایچون الزم اولان ترکیات ترابیهك عینی صورتده توزیع وتقسیم ایدلمه سی، هر مملکتك خط استوایه نسبتله اولان درجه عرضنه وساحله قریبتنه کوره اقلیم وهواسنك دکیشمه سی، وبالخاصه پك قولایقله استفاده ایدیله بیلجك برشکله ارجاعی ممکن اولان قوای محرکهك پك محدود اولسی وطبیعتك نهر، کول ودکز صورتیه احسان ایلدیکی قابلیت نقلیاتك هر مملکت ایچون بسبتون باشقه اوله رق یارادلش بولنسی کیفیتنه استناد ایدر.

بروجه بالا قطعی تمتع ومصارف فرقدن باشقه برده نسی تمتع ومصارف فرقی واردرکه بونلری یکدیگرندن آیرمق لازمدر. فقط صوک قسیمک اساساتی انسانلره وجعیات بشریه نفوذ ایدهرك کولکشمش بولنق اعتباریه مقدار ویکدیگرلرینه نسبتلری بر زمانله معین دکدر. برطرفدن انسانلرک مادی ومعنوی استعداد وقابیللری وجعیت اقتصادیك آشکلی ودیگر طرفدن عادات، حقوق و دین وجعیات مدنیهك مناسی بر ملتک فردی اقتصادلرینی بین الملل مبادلات ساحه سنده موجود مجادله رقابتده بر موقع غالبانه احرازینه موفق ایدر. فقط اشبو وضعیت حاکمانه، انجق اوصاف وشکل وتشکیلاتک رجحانی باقی قالدینی مدتیجه دوام ایدر.

بوکا نظراً بونلر بین الملل مبادلاتک عوامل غیر ثابت سنندن اولدینی حالده مواهب طبیعییه استناد ایدن استحصالات فرقلری اکثریا ثابت اولانلردر. مبادله اموالک اشکالنه کلنجه: بوراده اقتصاداً فنی اولان عوامل، اقتصاداً حقوقی اولان عواملدن دهآز حائز اهمیتدر. مواد غذائییه وکیفیه ومواد ابتدائییه، نیم معمول اشیا ایله تام معمول اشیا کبی فنی صورتده تقسیم؛ هر محل استحصالک قوای اقتصادیسنه دائر بر حکم ویره بیلیمک ایچون عملی بر اهمیت حائزدر. بالعکس حقوقی تقسیماتدن اولان مثلی وقیمی اموال، مبادلهك عناصر مخصوصه سیله مربوطیت قویه مالکدر. قیمیاتدن اولان اموالک هر بری آیری آیری صائیله بیلوب فردی معامله یه تابع اولدینی حالده مثلیاتدن اولان اموال محل استحصاله وشکل استحصال مخصوصه ونوع محصوله باقیمقسزین دنیانک

هر نقطه سی ایچون معین مرکز زده بیع و فروخت اولنه بیلور . بو محله بین الملل محصولات بورس لری نامی و بیلور که بوراده مرور زمان ایله بیع و فروخت ایدیلان اموالک اصول تجارتیه دأثر معین وثابت قواعد و اشکال مخصوصه میدانه کلشدر . عینی زمانده بورالده قیأت، بالجله مملکتلر و قطعات ایچون تعیین ایدلدیکندن اکثریا بو مؤسساتن قیأته تأثیرات اجرا ایدن عوامل حقنده راپورلر نشر و اعلان اولنور که یونلرده مؤسسات مذکورده بیع و فروخت ایدیلان اموالک استحصالانندن، مبادلانندن استهلا کانندن باخندره، مؤسسات مذکورده وقوع بولان معاملاتن اک نازک و منتظم بر اصول تجارتیه تابع اولانی کرک مواد غذائی و کرک مواد ابتدائیه دن اولسون اموال عضویه اوزرینه اولان معاملاتدر . مع مافیہ بونک کبی اموال غیر عضویه دن مواد ابتدائیه اوزرینه اجرای معامله ایدن بعض بین الملل محصولات بورس لریده موجوددر . مثلاً کور، دمیر، کهرچله، کوش، باقیر و سائر معدن بورس لری کبی .

بین الملل مراحل طریقیله حصوله کلان مناسبات اقتصادی، قسماً ساحه مبادلانه عائد و راجعدر . بین الملل وقوع بولان ایاب و ذهابک نتیجه سی اوله رق تظاهر ایدن مسائل تحلیل و تدقیق ایدیه جک اولورسه کیفیت مذکورده واضح بر صورتده نمایان اولور . یکی بر مملکتیه هجرت ایدن کیمسه هیچ شبهه سز بر مقدار اچیهی و یا خود حائر قیمت اموال دن اولان سائر سرمایه سی بر لکده کوتوردیکی کبی پک چوق دفعه ده آز چوق امتعه متوعه و متعدده بی ده برابر آلور . دیگر طرف دن اسکی وطنه قارشی اولان روابط و مناسبتی تمامیه منقطع و ملأز . بونک نتیجه سی اوله رق وطنده ترک ایتدیکي اولاد و اقاربیه آچه و امتعه سائر ارسال ایدر . بوندن باشقه مهاجرت ایدن کیمسه نک وطنده استعمال ایتدیکي امتعه یه الفت و اعتیادی او آدمی، کندیسنجه معلوم اولان اشیا ایله احتیاجاتی تسویه یه و یکی مهاجرت ایتدیکي مملکتیه اشبو امتعه یه جلبه سوق ایدر . بونک عکسی ده حصوله کله بیلوب مهاجرت ایدن شخصک منتظماً عائله سه کوندزدیکی امتعه اجنبیه یه عائله نک الفت و انسیت ایتسی منتظم بر مبادله اموالی موجب اولور . ایمدی بین الملل معاملاتک موجب اولدینی مراسله اموال کیفیتیه عطف نظر ایدیه جک اولورسه بشرک جولاننه مربوطاً امتعه و سرمایه نک ده تداول ایتدیکي ظاهر اولور .

فقط مراحل بشر، تدقیق اولنورسه ماهیتنی، ایضاح و تفسیر ایده جک نتایج کثیره الیه ایدیلور . بشر، داخل اولدینی مملکتیه باعالی و یادون بر فعالیت استحصالیه یه باشلار و یا خود



صرف مستهلك بروضعت آلور. بورادہ ہر حالہ مملکتدن مہاجرت ویاخود مملکتہ ہجرتک موقت ودائی قسملری یکد کرندن تفریق ایدلملیدر. دائمی مہاجرت صرف بر مقصد استحصالی بی حائر در. چونکہ وطنک احوال اقتصادیہ سقیمہ سندن دولای بیکی بر اقامتکاء تحریرسنہ قالدیشان ویاخود عینی در حہدہ تشکیلات اقتصادیہ سی اولان بر محلہ صرف فضلہ تمتع مقصدیہ کیدن ونہایت صرف اسباب حرثیہ ومدنیہ دن دولای بی وطن قدیمی دائمی اولق اوزرہ ترک ایدن کیمسہ، کنیش معناسیلہ، استحصالانده امین ومتعالی بر موقعہ نائل اولق مقصد قطعینی تعقیب ایدر. بر ہر بشریہ تشبیہ ایدیلان اشبو مہاجرت دائمہ، اوچ صورتلہ وقوع بولور. یعنی انسانلر، اولا اوروپادن کرہ ارضک اقالیم معتدلہ سندن اولان محللرینہ وبالخاصہ شمالی آمریقا حکومت متحدہ سنہ، قنادا وآرژانتینہ، ثانیاً عکسی بر جریان ایلہ آمریقادن اوروپایہ ونہایت عرق اصفرک اقامت ایتدیکی نفوسی کثیف اولان محللر دن، آسیانک غرب وجنوب غربی جہتلرینہ بحر محیط کبیر وبحر محیط ہندی اوزرندن بونلرک دیگر ساحلندہ کی محللرینہ ہجرت ایدرلر.

بو اوچ صورتلہ وقوع بولان حرکت مہاجرتک مقدار وشدتی وطن اصلیدہ وکذلک بیکی ہجرت ایدیلان مملکتدہ موجود عوامل اقتصادیہ ونشر و تعمیم ایدیلان قوانین وتدابیر اداریہ ایلہ علاقہ دار بولندی بی جہتلہ بالطبع سنہ دن سنہ تبدل وتغیر ایدر. استحصال مقصدیہ واقع اولان ہجرت موقتہ یہ دنیانک ہر طرفدہ تصادف اولنقندہ در. صنایع محللری وزراعت مملکتلری عینی در حہدہ زیارت ایدیلور. ایشتہ بیان اولندی بی صورتدہ سنہ بسنہ شرقی وجنوبی اوروپادن یوز بیکلر جہ اشخاص، اوروپای وسطانک مراکز صناعیہ سنہ وزراعت مکثفہ ایلہ چالیبشیلان برلرینہ ہجرت ایتدکلری کی متعدد انسان سوریلری دہ جنوبی اوروپادن بر سعی موقت ایچون شمالی وجنوبی آمریقایہ وشرقی وجنوبی آسیادن بحر محیطلر اوزرندن دیگر ساحلرینہ کیتمکدہ درلر. بونک قسم اعظمی صنایع وزراعتدہ چالیبشان سیار عملہ لردن Wanderarbeiter تشکل ایدر.

معافیہ بونلر آرہ سندنہ مقداری قلیل ارباب صنایع وتجارتدہ بونلور کہ بونلر، وطن جدیدک حیات اقتصادیہ سندنہ بر وضعیت حاکمہ ایلہ برلشمک مقصدی بی تعقیب ایدرلر. یک نظر دہ اہمیت عظیمہ دن عاری کورینان وپک دون طبقہ دہ بولنان عملہ نک اشبو کوچہ لک کیفیتک تأثیرات مهمہ سی بروجہ اتی ایکی مثال دن مستبان اولور: المان صنایع وزراعتدہ چالیبشمق اوزرہ ہر سنہ آلمانیا یہ کلان شرقی اوروپای عملہ نک مقداری تقریباً ۵۰۰,۰۰۰

تقوسه بالغ اولمقده در . عمله مذكوره نك هر برى طرفدن سنوى تصرف ايديلان مقدار اصغرى ايكي يوز مارق تخمين ايديلورسه بونلك وطن اصليرينه كتوردكلى مقدار سنوى ۱۰۰,۰۰۰,۰۰۰ مارقه چيقار . روسيه، مستكنا اولقى اوزره اوروپاده مهاجرت اك زياده ايتيالان وقوع بولمقده در .

۱۹۱۰ سنه سنده ايتيالان ۲۴۸,۶۹۶ كشى اوروپايه وبجر سفيد سواحله ۴۰۲,۷۷۹ كشى ده بحر محيط ديكر ساحله هجرت ايتدكلى حالده انحق (۱۴۷,۳۹۰) كشى بحر محيط ساحلرندن وطن اصليه عودت ايتمشدر .

صوك سنه لده ايتيالان موقت ودائى صورتله وقوع بولان مهاجرتك مقدارى ۴۰۰,۰۰۰ وطن اصليه عودت ايدنلك مقدار وسطيسى ده ۱۴۰,۰۰۰ كشى اوله رق قبول ايديله بيلور . بونلردن هر برينك اك آز اوله رق سنوى مملكته ايكي يوز اللى ليره كوندرديكى وياخود كتيرديكى فرض ايديله جك اولورسه بوسورتله ايتاليا اقتصاد مليسنه سنوى مجموعاً ۱۳۵,۰۰۰,۰۰۰ ليره اقش اولور .

سياحته كى امنيت واستراحت مترايده ودائماً متوسع بر حالده جريان ايدن بين الملل مبادله افكار نتيجه سى اوله رق استحصال مقصديه اولان مهاجرت كيفيتى ياننده استهلاك مقاصديه موقت بر هجرت ، سير و سياحت Reiseverkehr ميدانه چيقمشدر . اشبوشكل سياحته مادى ، معنوى مقاصد سبيت ويرمشدر . جم غفير صورتيله وقوع بولان سياحتلره كنتجه ، بوراده اسباب مغنويه يالكز اسباب مذهبيه دولاييسيله احرا ايديلن ، و بين الملل بر اهميت عظيمه يى حائر اولان سياحتلرده تظاهر ايدر . بونده ده اوچ جريان موجوددر . اسباب مغنويه ايله وقوع بولان سياحتلردن اك زياده بين الملل بر اهميت اقتصاديه شديد يى حائر اولانى روما قاتوليك كليسانك مركزى روما شهرينه واقع اولان سير و سياحتدر . اهميتجه بوندن دون اوليه رق كلانى ، اوچ مذهب صاحبلىرىك يعنى اسلام ، خريستيان ويهوديلرك ممالك عثمانيه ده كى مقامات مقدسه زيارتلىر كيفيتدر . بونلردن اهميت اعتباريله اك كرى قالانى ايسه هندستانك مقدس شهرلرينه اجرا ايديلان سير و سياحتدر . تنزه واعاده صحت دخی، سير و سياحتك بالخاصه اسباب ماديه سندن اولمشدر . مقصد مذكور ايله سياحت، بعيد ممالكه قدر كيدن اوروپانك وسط وشمال غر بيسنده ساكن بولنانلر وشمالى امرىقالير ايچون بر احتياج اولمشدر .

جم غفير ايله زيارت ايديلان محللر همان يالكز اوروپا وبجر سفيد سواحله بولمقده در . محال مذكوره بر طرفدن مدنيت قديمه يى حائر اولان و بيوك شهرلى بولان و ديكر طرفدن



مرکزی اوروپا طاعلرینی احتوا ایدن یرلردر . بونک اهمیت اقتصادیه سی ؛ یالکز اسویچره بی زیارت ایدن درت الی بش یوز بیک سیاحدن استحصال ایدیلان تتمع غیر صافینک (۱۱۸,۷۰۰,۰۰۰,۰۰۰) فرانق و تتمع صافینک ایسه (۵۷,۳۰۰,۰۰۰,۰۰۰) فرانق اولدینی نظر دفته المی ایله ده صریح بر صورتده ظاهر و نمایان اولور .

خدمات نقلیه نك تتمع صافیسی مبادلات اموالك و كذلك مراحل نك كشاف و قوته باغلیدر . فقط بالجله دكل یالکز اجنبی - اقتصاد ملیدی ایچون اولان خدمات نقلیات ایله بین الملل مناسبات اقتصادیه مستقله حصوله کلیركه مناسبات مذکورده مختلف مملكتلرك اقتصاد فردیلری آره سنده بعض حقوق و وظائف مخصوصه نك ظهورینه سیدیت و یرر . قره و دكزده نقلیاته توسطی درعهده ایدن ملت و مملكتلر فاعل یعنی داین اولان مملكتلردن اولدینی حالده نقلیاتنه توسط ایدیلان ملت و مملكتلر ایسه منفعل یعنی مدیون اولانلرددر .

هانکی نوع وظائفدن مناسباتك نشئت ایلدیکی اموالك اجرت نقلیه سندن و یاخود مصارف نقلیه انسانیه دن و نهایت مخابراته توسطدن و الحاصل هر هانکی بر سیدین حصوله كلش اولدینی اشبو مناسباتده حائر تأثیر دكلدر . و نهایت مناسباتك طریق عمومینك استعمالدنمی یوقسه شمندوفرلرك و یاخود داخلی و خارجی دكزلرده اجرای سفره تخصیص ایدیلان كمیلرك قوللانلسندنمی نشئت ایتدیکی خصوصیه اهمیتدن عاریدر . بونكه برابر وسائط نقلیه مختلفه بین الملل مخابرات و مناقلات مسئله سنده مختلف قوت و شدتده اهمیت حائر درر . بین الملل كافه مناقلات بریه بی، سرعت و انتظام و امنیتنی تأمین ایتمی اعتباریه ید انحصاریته آلمش اولان شمندوفرلر، تنقیص ایتیش و شوسه لر مقدما حائر اولدقلى اهمیت غائب ایتمشدر . شوسه لرك استعمالی تناقص ایده رك اهمیت غائب اوللری شمندوفرلرك انشاسندن مقدم سرعت و امنیتك عدم موجودیتی مصارف نقلیه نك فوق العاده بر مقداره بالغ اولسنی موجب اولدیغندن یالکز پك قیمه دار امتعه نك نقل وارسالی قابل اولدینی حالده شمندوفرلر، پك دون قیمتی اولان موادك ده طوغری برافاده ایله شمندوفرلرك تأثیرى زیاده لشدكچه پك چوق عددینك برلكده نقلی قابل اولان امتعه نك معاملات تجاریه و مبادله سنی تربید ایتمشدر . مثلاً هر هانکی برمالك طون کیلومترو [۱] ایچون مصارف نقلیه سی درت غروش اولورسه ۲۵ کیلومترو اوزاق بر مسافه ده مال مذکورك فیثاتی تضاعف ایدر . اگر بر طون

[۱] طون کیلومترو بین الملل مستعمل بركله اولق اعتباریه لسانمزده عیناً استعمالی مناسبدر، بوكله دن برطونلق اشیانك برکیلومترو مسافه به قدر نقلی معناسی اكلاشیلور .

کیلومتر و ایچون مصارف نقلیہ اون پارہ یہ تنزل ایدرسہ امتعہ مذکورہ نک قیمتی ایکی مثلثہ  
چیمق سزین درت یوز کیلومتر و لوق بر مسافہ یہ قدر نقلی ممکن اولور.  
مع مافیہ مناقلات بریہ دہ بخار قوتنک استعمالی صنایع نقلیہ نک صوک سنہ لردہ معروض  
اولدینی انقلابک یالکز بر جہتی تشکیل ایدر بخار قوتنک سقائندہ وبالخاصہ بحر محیطلرہ  
ایشلہ یین سقائندہ استعمالی یین الملل مناسباندہ نتائج عمیقہ و کثیرہ حصولہ سبیت و یر مشدر.  
چونکہ انجیق بوندن صکرہ مختلف اقتصاد مللرک اقتصاد فردیلری آردہ سندہ روابط و مناسبات  
دہا متلاصق اولغہ و بر علاقہ قویہ ایلہ باغلاغمہ باشلامشدر کہ حجم استیعاب (Schiffsraum)  
عرضنک ترایدی ایلہ نقلیہ اجر ملرینک سویہ سندہ وقوع بولان تناقصک شدتی نسبتندہ  
روابط و مناسبات دہا زیادہ قویلشمشدر. اگر نو یورقدن لیور پولہ قدر برئوشل [۱] بغدادیک  
۱۸۸۰ سنہ سندہ مصارف نقلیہ سی اولان  $5\frac{1}{3}$  پسندن [۲] ۱۸۹۰ دہ  $\frac{7}{16}$  پنسہ و ۱۹۱۰ دہ  
 $1\frac{1}{4}$  پنسہ تنزل ایتدیکی نظر دقتہ آله حق اولورسہ مصارف نقلیہ نک آزالہ سی کیفیتک سیر  
سقائندہ فصل رجات جدیدہ بخش ایدہ جکی نظاہر ایدر.  
مارالہ کر حجم استیعابک ترایدی و خطوط بحریہ شبکہ سنک آرتمی انسان و اموالک  
نقلہ خدمت ایدن سفینہ لردہ انشاسنک بر نتیجہ سیدر.  
اون سکنزنجی عصرک نہایتی ایلہ اون طقوزنجی عصرک ابتداسندہ اوزمانلردہ انشاسی  
عادت اولان سفینہ لردہ انبارلرک حجم استعیاییسی ۱۵۰ الی ۱۸۰ و پک نادر اولہ رق ۳۰۰ طونہ  
بالغ اولقدہ ایدی. ۱۷۹۹ سنہ سندہ هامبورغدن شمالی آمریکا حکومت متحدہ سنہ سیر و سفر  
ایدن سقائنک قابلیت تمحیلیہ سی ۲۲,۰۰۰ طون ایدی کہ بوکون بومقداری بیوک برواپور  
ایلہ بردفہ دہ بحر محیطلرک اونہ کی جہتہ کتورمک قابلدر. کذلک استخبارات خصوصندہ  
حصولہ کلان انقلاب، یین الملل مناسباندہ تأثیرات مهمہ یی موجب اولمشدر. شمندوفر  
وسقائن واسطہ سیلہ مکاتیبک سرعت نقلی وبالخاصہ طاغلر و دکزلر اوزرندہ تلغراف تللرینک  
اوزادلسی ایلہ دنیانک ہر طرفہ مخابرات و حوادثانک بر ایکی دقیقہ ظرفندہ نقل و ایصالہ  
باشلانلدینی زماندن اعتباراً یین الملل معاملات اقتصادیہ و تجاریہ نک عقدندہ محک اہمیتی  
پک آزمشدر.

ایشتہ بونقطہ نظر دین معاملات تجاریہ نک تسہیل عقدی پک سطحی بر تقدیر ایلہ سنوی

[۱] بریوشل ۱۰۰۷ کیلہ یہ معادلدر.

[۲] بر پنس ۰۰۴۶۱ عروش ایدر.



ادخالات و اخراجات قيمتك تقريباً (۱۰) مليار ليرايه بالغ اولسنی موجب اولان مبادلات اموالك باشلی اساييندند. مبادلات مذكوره هراقتصاد فردينك بر حصه سی بولنمق اعتباريله هراقتصاد فردينك، مصارف ثقلیه نك نه مقداره بالغ اولديغنی بيلمسی و ثقلیاتك حقیقه اجرا ایدیلوب ایدیله جکی کیفیتنه اعتماد نامی حائز اولمسی پك لازم واهمیتلیدر. بونك کبی دکزلره ووسائط ثقلیه حاکمیت، سائر معاملات بین الملله قطعی بر عامل اولور. هر نوع و سائط ثقلیه مالک و حاکم اولان مملکت، بونلری استعماله مجبور اولانلری مصارف ثقلیه نك تعین و مساعداتك تحدیدی ایله تحت مر بوطیت اقتصاد یسنه آله بیلور. بر شبکه حیدیه و سفائنه مالک و متصرف اولیان، مخبرات اجرایی ایچون اجنبی تلغراف تللرینه محتاج اولان بر ملتک وضعیتی، هر زمان ایچون بونلره مالک و متصرف اولان مملکتلرک وضعیتلرینه مشابه دکلد. بوندن طولانی هر ملتک ملی بر سفائنه و کذاک مستقل بر شبکه حیدیه و قابل اولورسه و سائط تلغرافیة مخصوصه به مالکیته صرف غیرت ایتمی پك طبیعی و آشکار بر کیفیتدر. ایشه بوصورتله استقلال سیاسی اقتصاد یسنی الده ایدن ملت عینی زمانده اقتصاد ملیسنده کی بیوک بر یوکی ده اوزرندن آتمش اولور. بوندن باشقه استقلال اقتصاد یسنی الده ایدن ملت بوندن صکره و سائط مناقلات و مخبراتک استعمالی ایچون اجنبی مالکینه اجرت تأدیسه مجبور قالماز. خدمات ثقلیات ایله حصوله کلان مارالذکر مناسبات مستقله بین المللک میدان کتیردیکی دینک نه مقداره بالغ اولدیغنی هیچ بر مملکت شبهدن عاری بر صورتده تعین ایده مامشدر. بونکله برابر مبادله ایدیلان اموال و سیاحت ایدن اشخاص ایستاتستیکلری معرفتیه و سیر سفائن ایستاتستیکلری طریقله مختلف و سائط ثقلیه نك استعمالنک نه درجه توسع ایتدیکی حقیقه نتایج مفیده الده ایدیله بیلور. فقط بوندن باشقه نتایج نائل اولمق یعنی ده طوغری بر افاده ایله بر اجنبی اقتصاد ملیسنک دیگر اقتصاد ملیدن ثقلیاته خدمت ایتک صورتیه اکتساب ایتدیکی تمتع حقیقی بی اشبو ایستاتستیکلردن چیقارمق قابل دکلد. ایشه بوندن طولانی مسئله بی یالکز تخمینات ایله حل طریق قالیور که بونلرده پك غیر ثابت اولوب بیوک فرقلر ارئه ایدر لر. انکلترونک صنعت ثقلیات بحریه ایله اجنبی اقتصاد ملیلردن قازاندیغی (۱۰۰) میلیون لیرا و آلمانیا نك ایسه بعضاً ۲۰ و بعضاً ۳۰ میلیون لیرا اوله رق تقدیر ایدلمکده در. ایشه ارقام مذکوره نه قدر غیر قطعی ایسه اقتصاد ملیلر ایچون بین الملل مناسبات ثقلیه ده کی وضعیتلرینک فاعل (aktive) یا خود منفعل (passive) اولوب اولمادیغنه دائر بر فکر ویرمکده او قدر مشکلدر. مع مافیه بتون بومشکلاته رغماً



انكلتره ، آلمانیا ، نوروچك فاعل ، آمريكا حكومات متحده سی ايله ايتاليانك ايسه هيچ شهبه سز منفعل وضعيتده بولندقلری كمال قطعيله بيان اولونه بيلور .  
تعداد اولونان مملكتلردن غيريلری ايچون قطعی بر فكرده بولنق غير قابلدنر .  
بوصورته بيوك بر ساحه اقتصادينك اوكنده اولق مثلا آلمانياك اوكنده بلجيقا وفلكك بولنسی كي ياخود مختلف اقتصاد ميلرك آره سنده بولنق كي مثلا اسويچره ده اولدینی وجه ايله حقیقی اشكال خارجیه ايله بر مملكتك اشبو مناسبات نقلیه ده فاعل ویاخود منفعل اولوب اولادینی حقدن بر حکم ویره بيلمك طريقی قالور .

بین الملل مناسبات اقتصادی مستقله نك منافعندن اولان سیغورطه لرك حصوله كتیردیكي تاثیراتك تقدیرده شمدی به قدر احتمالك دها شدتی بر صورتده عینی مشكلاته معروض قالمشدر . صنعت نقلیاده اولدینی كي سیغورطه صنعتی ده بین الملل مناسباتك تشكلكده بالواسطه بر اهمیتی حائزدر . بوحال بالخاصه نقلیات بحریه ده حصوله كلور . چونكه بوراده سیغوطه بحری پولیچه سی قوشمتمونك لازم غیر مفارقیدر . فقط خدمات نقلیاده اولدینی كي سیغورطه به توسطی اجنبی اقتصاد ملیسی درعهده ایدرسه سیغورطه ایدن سیغورطه ایتدیرن اقتصاد میلر آره سنده حقوق ووظائف میدانه كلك صورتیه بالواسطه اولان مناسباتدن بالواسطه مناسباتده نشئت ایدر .

كر ك اشخاص Personenversicherung و كرك اموال Güterversicherung سیغورطه لری ساجه بین المللده توسع ایدرك بر موقع اشغال ایتكده درلر . معافیه سیغورطه لرك هر شعبه سی عینی وسعده اوله رق بین الملل بر شكل الماشدر . اشخاص سیغورطه لرندن بالخاصه حیات سیغورطه سی اموال سیغورطه لرنده ايسه حریق سیغورطه سی بین الملل بر شبکه ايله باغلامشدر . فقط بوكون سیغورطه لرندن اك زیاده شایان اهمیت اولانی قطعی بر صفت بین المللی حائز اولان نقلیات سیغورطه لری ايله Transportversicherung مقابل سیغورلردن Rückversicherung . نقلیات سیغورطه لرندن منشی هولاندا اولان وسه لرندن بری موجود اوله رق بوكونه قدر بالخاصه اك زیاده انكلتره ده اجرا ایدیلان سیغورطه بحری تماماً بر صفت بین المللی حائزدر . بونی وانكلتره سیغورطه بحریسنك موقعی آكلایه بيلمك ايچون لوئد Lloyd's سیغورطه سی دوشونمك كافیدر . ماهیتارینه نظراً بيوك تهلكه لری قابل اولدینی قدر تقسیمه جالیشان مقابل سیغورطه عینی صورته اولدقه بيوك بر مقدارده انكلتره به مربوطدر . انكلتره نك اجنبی مملكتلرده سیغورطه معامله سی درعهده ایتسندن دولانی نه مقدار تمتعه



نائل اولدینی حقنہ ہیچ بر معلومات موجود دکلدر . عینی حال سیغورطہ معاملہ سندہ فاعل اولہرق چالیشان اقتصاد ملیلر حقنہ دہ موجوددر . مثلاً هولاندا و شمالی آمریکا حکومت متحده سنک حیات سیغورطہ لرندن فرانسه نك حرینی و مقابل المانیانك بحری و مقابل سیغورطہ لرندن اکتساب ایتدکری تمتع تعیین ایدلمشدر . یالکز اهمیتدن عاری بعض سیغورطہ لرك تمتعی معلوم اولمشدر .

ینہ بونك کبی بین الملل سرمایہ نك تداولنی Kapitalumsatz تعیین ده آنحق پك شہلی تحمینات ایله قابلدر . چونکہ سرمایہ حدود ملیہ بی غیر مرئی بر صورتہ مرور ایدر و آنحق بر قسمی قیمت مقدردلی اوراق و قامیولر ایله خارجہ چقدیغندن بللی اولہ بیلور . بین الملل سرمایہ نك تداولی اسباب اصلیه سنی فضلہ تمتع الہ ایتك ایچون اولان غیرتہ آرا ملیدر . زہ دہ کہ قابلیت تمتع فضلہ در ، قوانین و یا خود اداره مملکت مشکلاتہ معروض قیلمزسہ ، اورایہ سرمایہ هجوم ایدر جریان سرمایہ یہ سبیت و یرن یالکز قابلیت تمتع حاضرہ دکل ، بلکہ دہ اکثریا مساعد بر موقع اقتصادی مستقبلہ بونی موجب اولور . ایشته بویله جہ سرمایہ بر تمتع حاضردن دولایی فائضك سویہ سندہ کچیجی فرق لر بولوندی زمانہ بر تمتع فوق العادہ ایله چالیشیلان موقت تشبثانہ آز مہلتی محل استعمال آرار . فقط سرمایہ تشبثات جدیدہ یہ و پك متحول تمتعہ معروض قالان تعہداتہ دہ بر تمتع مستقبل مقصدیلہ وضع ایدلمکدہ در . بوندن دولایی سرمایہ بی بوضورتہ نظر مطالعہ یہ آغلہ مناسبات بین المللک تفہمی تسہیل ایدلمش اولماز . ینہ بونك کبی سرمایہ نك ثابت و متداول صورتیلہ تقسیمی ایله توضیح مسئلہ ایدلمش اولمز . مسئلہ نك کسب وضوح ایتمی آنحق بین الملل سرمایہ نك مبادلہ سیلہ حصولہ کلن تاثیراتک نظر دقہ آلمسنہ محتاجدر . اثبوت تاثیراتک مطالعہ سندن مقدم بعض ملاحظاتک ذکر ی مناسب کورلمشدر . سرمایہ نك اجنبی بر محیط اقتصادی یہ ارسالی سرمایہ بی و یرن اقتصاد فردی طرفندن اکثریتلہ دہا یوکسک بر فائضہ یعنی سرمایہ نك دوغریدن دوغری یہ محل وضعندن نشأت ایدن بر تمتعہ نائلیت مقصد یکانہ سیلہ وقوع بولور . اقتصاد ملی نقطۂ نظرندن مسئلہ مطالعہ و تدقیق ایدیلہ جک اولورسہ سرمایہ نك وضعی ، یعنی سرمایہ نك اجنبی زراعت ، صنایع و تجارتہ و نقلیاتہ نفوذی کیفیتنک دہا عمیق تاثیرات اجرا ایتدیکی مشاہدہ اولور . سرمایہ بی وضع و یا خود توسط ایدن اقتصاد فردی سرمایہ نك نفوذ ایتدیکی شعبات اقتصادیہ اوزرنده بر تاثیر اجرا ایدہ بیلہ جک قوتی حائر اولور . مع هذا مقدار فائضك سرمایہ بی و یرن مملکتہ ارسالی کیفیتی مستثنا اولمق اوزرہ بونکہ دہ

بین الملل مناسبات حصوله کلیه بیلور. فقط دنیاده موجود بالجمله فردی اقتصاد لر یکدیگر پنه روابط قویه ایله باغلی بولونملری دولایسیله بوکبی اسبط مناسبتلر کیتدکجه نادر اولمش و بالعکس پک مغلق مناسبات حصوله کلشدر.

سرمایه بی ورن مملکت نقطه نظرندن مطالعه اولنورسه اجنبی بر مملکت سرمایه نک اعطاسی درت مشوش تأثیر میدانه کتیره بیلور. اولاً اجنبی اقتصاد ملی به وضع اولنان سرمایه، سرمایه بی ورن مملکت بعض مختلف امتعه نک جلب واحضاری، مأخذ بی تأمین ایدر. کیفیت مذکوره سرمایه نک عضوی مواد ابتدائیه نک استحصالی مقصدیله اقالیم معتدله به و اراضینک زراعت تحصیسی ایچون محال زراعتیه به و معادنک ایشله دلمسی املیله معدنلری زنکین اولان برلره هجرت ابتدیی هر یرده وقوع بولور.

تایاً سرمایه بر اجنبی صنایعی، برکله ایله تشبثات اجنبیه بی تأسیس مقصدیله ویریلورسه بونلر ایچون لازم اولان مواد ابتدائیه و معدنییه و ماکنه و مواد معمولیه بی عائد اولدییی مملکتدن جلب ایدرک مملکت بوکبی محصولات و مصنوعات ایچون مخرجک تأمیننه سببیت ویرمش اولور. بوجه بالا بیان اولسان ایکی تأثیر ایله علاقه دار اوله رق بونلر اوزرینه بالواسطه استناد ایدن تقلیاتک تأمین و تعالیسی موجب اولان اوچنجی بر تأثیر دهها میدانه کلور. بوده مخرج و مأخذ آره سنده مناسباتک تمامی جریانی ایچون طریق مواصله و مناقله نک نادر اولدییی برلرده منظم مناسبات تقلیه بی قابل قیلمق صورتیه و وقوع بولور. سرمایه نک اعطاسی ایله حصوله کلن واک اهمیتلی صره و طبقه ده بولنان تأثیر ایدن دردنجیسی اجنبی بر اقتصاد ملی به سرمایه نک وضعی ایله بوراده بر شعبه استحصال اوزرینه سرمایه بی ورن مملکتک عینی شعبات استحصالیه لرینک رقابتی محوایدرک بازار عالمده پک محدود بر موقعده قالمیرنی و یا خود بازار عالمدن بستون طردلرینی دائره امکانه آله بیله جک درجه ده بر تأثیر حصوله کتوره بیلیمی احتمالیدر. پک نادر اولمایان بوکبی مناسبات بین الملل تروستلرک حصوله کلسی ایچون لازم اولان ایلمک اساسدر. طبعدرکه مارالذکر تأثیراتک شدتی زماندن زمانه، مملکتدن مملکت ته بدل ایدر. شدت مذکوره، تداول سرمایه نک شدت و کثافتیه باغلیدر. سرمایه تداولنک شدت و کثافتی مختصراً تماس ایدلمسنه احتیاج کوسترن اسباب متعدده دن نشئت ایدر. بین الملل سرمایه نک حرکتی، هر مملکتده سرمایه استحصالانک درجه سنه تابعدر. کذلک سرمایه نک حرکتی ابتدائی زراعت مملکتلرینه سرمایه نک جریانی صنایع و زراعت نقطه نظرندن ترقی ایدن مملکتلردن پک



نقصان قالدینی مدتیجہ، ہر مملکتک مناسبات اقتصادیہ کی روابط و موقعہ باغلیدر۔ بوندن باشقہ سرمایہ نک تداولندہ کی کثافت و کثرت مسئلہ سندہ اسباب اقتصادیہ صرہ سندہ سیاسی و مدنی روابطدہ نظر دقتدن دور طو تلاملیدر۔ یکدیگر لرینہ سیاسی و مدنی نقطہ نظر لردن مقارن اولان مملکتلردہ سرمایہ بو خصوصہ بعید اولان اقوامدن دہا سرعتلہ و دہا تأثیرلی اولہرق تداول ایدر۔ عینی صورتلہ سرمایہ مدنیت و سیاست نقطہ نظرندن ضعیف اولان مملکتلرہ بونلزدن قوتلی اولانلردن زیادہ نفوذ ایدر۔ بوسورت و ایضاحات ایلہ سرمایہ نک تداولندہ کی مختلف شدتلی آکلاشلہ بیلمش ایسہ عینی زماندہ سرمایہ نک حرکتک تعقیب ایلدیکی طریقلردہ آکلاشلمش اولور۔ کرۂ ارضہ عطف نظر ایلدیلہ جک اولورسہ دنیادہ سرمایہ ویرن ایکی بیوک محل مشہودیمز اولور۔ بونلزدن بری، انکلتیرہ، هولاندا، بلجیقا، فرانسه، آلمانیا، سویجرہ و آوستریایی احتوا ایدن غربی اوروپا حکومتی و دیگر کی شمالی آمریقا حکومتات متحدہ سیدر۔ بورالردن سرمایہ یادوغریدن دوغری یہ و یاخود شمالی آمریقا حکومتات متحدہ سی طرفندن اوروپا حکومتادن استقراض ایدی لان سرمایہ شمالی و بالخاصہ شرقی اوروپایہ، مستملکہ لره، آفریقا و اوسترالیایہ جنوب شرقی و شرقی آسیایہ، وسطی و جنوبی آمریقایہ ویرلدیکی کچی بالواسطہ جریان ایدر۔ بالعکس فائض ایسہ بازار نقد اولان بعض مرا کزدن کچہ رک بین الملل تسویہ حسابات طریقہ تسویہ ایلدیکندن او درجہ آشکار بر صورتدہ اولیہرق عکسی بر جریانہ تابع اولور۔ سرمایہ نک موجب اولدینی بین الملل مناسبات اقتصادیہ نک درجہ و مقدار ای آئیدہ کی مثاللردن مستبان اولور۔ ۱۹۱۰ سنہ سندہ انکلتیرہ طرفندن خصوصی صورتدہ وضع ایدی لان سرمایہ داخل اولمادینی حالده موضوع سرمایہ نک مقداری مجموعاً ۳,۱۹۱,۸۰۰,۰۰۰ انگلیز لیراسی تقدیر ایدلمکدہ در۔ بومقداردن ۱,۵۵۴,۲۰۰,۰۰۰ انگلیز لیراسی مستملکہ لروہندستاندہ ۱,۳۶۷,۷۰۰,۰۰۰ لیراسی ممالک اجنبیہدہ و متباقی ۶۸۸,۱۰۰,۰۰۰ لیراسی دہ شمالی آمریقا حکومتات متحدہ سندہ موضوع در۔

بوکا اجنبی تشبثانہ اسہام و سندات صورتیلہ موضوع تخمین و تقدیری پک مشکل ومع مافیہ اصغری بر میلیار انگلیز لیراسی اولہرق تخمین ایدی لان مقدار دہ علاوہ ایلدملیدر۔ مجموعاً انکلتیرہ نک ممالک اجنبیہدہ موضوع سرمایہ سنک قیمتی ۴,۲۰۰,۰۰۰,۰۰۰ انگلیز انگلیز لیراسنہ بالغ اولمقدہ در کہ بونک اصغری یوزدہ درت فائضدن کتیردیکی کار سنوی ۱۶۸ میلیون انگلیز لیراسی یاخود تقریباً ۲۰۰ میلیون عثمانلی لیراسی مقدارندہ در۔

انكلتره نك خارجي سرمايه سنك ستوي مقدار تزايدی یکی اخراج ایدی لان قیمت مقدره لی اوراق ایستائیتقلردن پك ایی اكلانلمقده در .

۱۹۱۳ سنه سنده ۱۶۵,۵ ملیون انكلیز لیرالق قیمت مقدره لی اوراق اخراج ایدلمشدرکه بوندن ۷۶ میلیونی انكلتره یه تابع ممالک ۸۴,۴ میلیونی ممالک اجنیه یه عائددر . ۱۹۰۹ سنه سنده آلمانیا نك خارجده موضوع سرمايه سی ۱۶-۱۷ میلیارلق اسهام وسندات سائر استئنا ایدله یکی حالده ۲۰ میلیار مارق اولدینی حساب ایدلمشدر . بو صورتده آلمانیا نك خارجده موضوع سرمايه عمومی سی ۳۶-۳۷ میلیار مارقه بالغ اولمقده درکه یوزده درت فائض دن ۱,۴۴۰,۰۰۰,۰۰۰ - ۱,۴۸۰,۰۰۰,۰۰۰ مارق یعنی ۸۵ میلیون عثمانلی لیراسی فائض آلمقده در . فرانسزلرك ممالک اولدقلری خارجي سرمايه لری ایسه ۱۹۱۲ سنه سنده پك دون اوله رق ۶۵ میلیار فرائق تقدیر ایدلمشدرکه بونك یوزده درتدن فائض سنویسی ۲,۶۰۰,۰۰۰,۰۰۰ فرائق یعنی ۱۱۰ میلیون عثمانلی لیراسی ایدر .

بوصوك قسم بین الملل مناسبات بوندن مقدم بحث ایدی لان بین الملل مناسباتدن دها اهمیتلی برصورتده تسویه حساباته عرض احتیاج ایتکده در . هر اقتصاد ملیك خارجدن آله جغه قارشی وظائفی ده واردر . خدمات ومقابل خدمات نه یکون ونه زمان نشئت وتصفیه لری ایله وكذلك نه محل تصفیه لرنده قیادیه بیلور . بونك ایچون انكلتره تجارت خارجیه سندن نشئت ایدن وظائف وحقوقك مثال اوله رق اراشه سی مسئله یی کال صراحتله میدانه چقارمغه کافیدر .

انكلتره ، مواد ابتدایه ووسائط غذاییه سی ، مصنوعاتی ارسال ایتدیکی محللردن دكل ؛ بستیون باشقه مملکتلردن جلب ایدر . بونك کبی مراحل بین الملل ، نقلیات سیغورطه وتداول سرمايه طریقلریله حصوله کلان تأدیات لازمه دخی متوازن بر حال اکتساب ایدمهز وبوصورتله انكلتره ایچون وظائف تأدییه ووظائف متقابله حصوله کلیرکه تشکیلات مخصوصه نك معاونتی اولمقسنزین ایشك ایچندن خلاص اولق غیرقابلدر . بین الملل مناسبات نه درجه متلاصق اولورسه اونه یه بری یه کیدن وظائف ومقابل وظائفك حساباتنده برتوازن حصوله کتیرمك ایچون اودرجه نازك تشکیلاته احتیاج کوریلور .

بو کیفیت قیمتلی اسهام وسندات بورسه لری ( Effektenbörsen ) و بین الملل بیوك باقهلر طرفندن اجرا ایدیلور . بونلردن بورسه لرك اسکی مؤسسه لرنددر . مناسباتك مشوشیتی وتقاص معامله سنك مغلقینی باقهلری بورسه لرندن دها مهم برموقعه ایصال ایتمشدر .



یونکہ برابر الیوم بیلہ بورسہ لر بین الملل تقاص معاملہ سندہ لزوملی اولان اوراق اوزرینہ معاملہ یاپان مراکز مهمہ دندر . یالکز صوک عصر ظرفندہ اک مهم بورسہ لرک موقعی تبدل ایتشددر .

مقدما شمالی ایتالیاہدہ اجرا ایدی لان بین الملل توازن معاملہ سی هولاندا اوزرندن لوندرہ یہ کچمشدر . حاکمیتی ہان بتون دنیاہہ تشمیل ایدن انکلتزہ نک موقعی وینہ انکلتزہ نک قوت سرمایہ سی، نسبتاً دہا امین اولان اصول مسکوکاتی، مستملکات متعددہ سی و ماورای بحر محیط ایلہ اولان تجارتی و دنیاہدہ تجارت عظیمہ و سیرسفائین نقطہ نظرندن حائر اولدینی اہمیت موقعیہ سی دولایسیلہ لوندرہ پیاسہ سی، زمان حاضرہ د کین اہمیت و تأثیراتی محافظہ ایدہ بیلمشدر . خارجہ عظیم سرمایہ ارسال ایدن مملکتلرک مقرر حکومتلری اولان پارس، برلین و نیورقدہ اُک باشلیجہ بورسہ و بانقہ مرکز لرندن اولد قلمری جہتلہ بونلر بوکون ہان لوندرہ درجہ سندہ براہمیت احراز ایتشددر .

اشبو مملکتلر، فضلہ بر صورتدہ کندی معاملات تجاریہ متوسعہ لرینی تنظیم ایتکہ تشبث ایتدکجہ و متزاید تجارت خارجہ لری نتیجہ سی اولہ رق بین الملل اوراق و سندات انلردہ فضلہ معاملہ یہ تابع اولدقچہ اودر جہ فضلہ بر صورتدہ لوندرہ یہ مربوط اولقدن اوزاقلاشمشدر واسہام و سندات معاملہ سنک اساساتی اودر جہ فضلہ برامنتہ کیرمشدر .

بین الملل تسویہ حساباتک جریان ایتدیکی اشکال ہر طرفدہ یکدیگریہ مشاہددر . بونک کبی عین حال تقاص معاملہ سنک اجراسی ایچون معاونتہ محتاج اولونان وسائط حقندہ دہ جاریدر . ہر طرفدہ دیون سنداتی (Geldforderungspapiere) و امتعہ سنداتی (Warenpapiere) استعمال اولنور . دیون سنداتی ایچندہ بالجلہ بورسہ و بانقہ لردہ واسطہ تأدیہ اولہ رق قوللانیلان قامیو اک اہمیتیلرندندر . قیمتلی اوراقک مبادلہ سی ہان بونک قدر حائر اہمیت اولدینی حالدہ چک و قرہ دی مکتوبلری بودر جہ بر موقع مهم اشغال ایتزلر . امتعہ سنداتی میانندہ برنجی موقعی قونشمتو احراز ایدر . بوندن صکرہ اہمیتدہ ایکنجی موقعی آلان سیغورطہ بحری و وارانٹ سنداتیدر . پک مکمل اولان بین الملل تسویہ حسابات، تقاص معاملہ سی Clearing Abrechnungsverkehr ایلہ اکمال واستکمال اولنور . بونک ایچون لوندرہ شمدی یہ قدر برنجی موقعی آلمشدر . بوکونہ قدر شہدن عاری مقایسہ یہ الویریشلی ایستاتستیلرک عدم موجودیتی، فوق العادہ مشکل و مشوش موازنہ تأدیاتی و سائطی حقندہ قطعی معلومات اعطاسنی غیر قابل قیلہ مقدہ در .



بین الملل مناسبات اقتصادی نك هر بریسی محتویاتنه نظراً شمدي به قدر كوستریلان غروبلره داخلدر . فقط اك طوغری بر صورت تسمیه ایله بین الملل رتل ائتلافاتی نامی ویریلاتی ویا لکزر اشکال ظاهره یی حائر اولانی مناسبات اقتصادی نك بسبتون یکی بر غروبی وارد .

قارتل ائتلافاتی، یواش یواش مختلف قوت ووسعتده اوله رق هر بر ساحه اقتصادی به داخل اولمشدر نسبتاً اك اول ساحه تقلیاته ویا لحاصه شمندوفرلر حكومتلرك تحت اداره و تملكته كیرملری دولایسیله اقتصاد فردی خصوصیلرك بونلره تأثیرات مهمه اجرا ایده مدكلرندن ماورای بحر محیط ایچون اولان سیرسفائنه نفوذ ایشدر . سیرسفائ حقنده موجود قارتل ائتلافات متعددند - سندن یالکزر Baltic and Vlute Sea conference قونیهانده مقیم بحر بالطق و بحر ابیض قونفرانسی و بحر محیط شمالی سفائ طریقلری جمعیتی Nordatlantischer Dampferlinin Verband بین الملل سفائ تجاریه قومانیه سی International Marine Company یاخود مورغان تروستی Morgantrust مثال اوله رق كوستریله ییلور . ائتلافات مذكوره ایله عادات تجاریه یی و دأثره تقلیاتی و نهایت سویه اجرت تقلیاتی تعیین ایتك مقصدی تعقیب اولنور . زمان حاضرده ائتلافات مذكوره عین مقصدله استحصالات صناعیه ده و بونكله بالواسطه ساحه استهلاكانده اكثریته تصادف اولنمقده در . بونلر اك اول بر جوق اقتصاد فردیلره آیرلمش اولان اوروپاده عقد ایدلمشدر كه مقصدلریده قیئاتك دوامی، مخارجك تأمین، مأخذك تنظیمیدر .

شرائط استحصالیه نك عینی و صنایع عظیمه نك حكمران اولدیغی شعبات صناعیه ائتلافات مذكوره نك عقدی ایچون لازم اولان شرائطی اك مكمل بر صورتد احتوا ایدر . بوندن طولاییدر كه قارتل ائتلافاتی شمدي به قدر ترجیحاً صنایع معدنیه و صنایع الكتریقه ، كیمیه ده بولنمقده در .

بیان اولونان شرائط عمومیه نه قدر نقصان اولورسه بر اتحادیه نائلیتده او قدر نادرا اولور . بوكا نظراً فردی اولان شعبات اقتصادده ، تجارتده قارتل ائتلافاتی هیچ وقوع بولماز . بین الملل قارتل ائتلافاتك مذاكراتنده معاهدات دولیه نك نظردقته آلتیمی لزومی قبول ایدلمكده در . بو فكر، ائتلافات مذكوره نك عدداً تزايد ایتمی و اهمیتك آرتمی و بین الملل مناسباتده اساسات حقوقیه نك تشككه سبیت ویرمسی کیفیتله دها قوتلی بر صورتده تعقیب ایدلمكده در .



معاهدات دوله دن بر مقصد مخصوص ایله بحث ایتک ایستیمورز . چونکه روابط اقتصادی ملیه نك اساساتی تدقیق و مطالعه ائسانده آنلرک استناد ایتدیکی اساسات حقوقیه ده شرائط ابتدائی دن اوله رق تلقی ایدلدیکی کبی اساسات حقوقیه مذکورده بین الملل مناسبات اقتصادی نك تأمینده مقتضی شرائط اساسیه میانه در . معاهدات دوله بی تدقیق ایتک وظیفه سی حقوق دول علمنه عائددر . بوراده پک مختصراً ایضاحه اوغراشیلان مناسبات اقتصادی بین المللک سیستمی اشبو مناسباتک شامل اولدیغی ساحه نك پک بیوک اولسی و تدقیقات عمیقده بونلامسی اعتباریله قطعی بر صورتده تعیین ایدیله مر .

هر فرد اقتصادینک فعالیت اقتصادی سی، حدود ملی اقتصاد بی تجاوز ایتدیکه بین الملل مناسبات اقتصادی نك ساحه سیده او درجه کسب وسعت ایدر . ساحه مذکورده بوکون فوق العاده بر وسعت عرض ایتدیکه واهمال ایدلسی موافق اولیه جق مسائل کثیری احتوا ایتدیکه در .

مسائل اقتصادی بین الملل ، یالکز داخلی اداره ایله مشغول اولان مأمورینجه دکل ، بلکه بالخاصه مأمورین سیاسیه ده ده معلوم اولسی لازم کلان بر شعبه اقتصاد تشکیل ایدر . بو شعبه اقتصاد ، تدقیق و تتبع و تدریس ایچون پک بیوک بر اهمیتی حائزدر . تحریرات و تبعاتده بولان علما ، هنوز بر قسمی کاملاً مجهول اولان و دیگر قسمی پک آز معلوم اولان روابط و مناسباتی کشف و استخراج ایتک وظیفه مهمه و مشکله سی در عهده ایتلیدر لر . بوضورتله مدرسین و معلمینه پک خفیف بر وظیفه قالدورکه اوده استخراج ایدیلان نتایجک احتوا ایتدیکی معلوماتی ، نقله توسط ایتدیکدر .

علما و مدرسینک تدقیقاتنه اساس اوله جق بین الملل مناسبات اقتصادی سیستمی تقریباً آتیده کی شکلده اوله بیلور :

## آ. — بین الملل مناسبات اقتصادی مادیه

### ۱. — بین الملل مبادلات اموال

#### ۱ — اسبابی

أ — شرط استحصال دن اوله رق طبیعتده تخالف .

ب — عوامل استحصال الدن اولہ رق انسانلک اوصافندہ کی فروق .

پ — اساس استحصال الدن اولہ رق جمعیت انسانیه دہ موجود فرقلر .

۲ — اشکالی : بین الملل محصولات بورسہ لری .

۳ — اکا عائد واقعات .

۲ — بین الملل مراحل .

۱ — تأثیرات غیر مستقلہ سی .

۲ — تأثیرات مستقلہ سی .

أ — مہاجرت دائمہ .

ب — استحصال مقصدیلہ مہاجرت موقتہ .

پ — استهلاك » » » .

۳ — خدمات نقلیہ بین الملل .

۱ — تأثیرات غیر مستقلہ سی .

۲ — مستقلہ سی .

أ — وسائل نقلیہ ومخابرات اوزرینہ حاکمیت

ب — وسائل نقلیہ نک استعمالی

۴ — بین الملل سیغورطہ

۱ — تأثیرات غیر مستقلہ سی

۲ — مستقلہ سی

آ — سیغورطہ ایشلرینک درعہدہ سی

ب — سیغورطہ معاملہ سنک تابعیت ومربوطیتی

۵ — بین الملل سرمایہ نک تداولی

۱ — شرائط اولیہ

آ — فضلہ سرمایہ نک تشکلی

ب — مربوطیت اقتصادی وسایہ ومدنیہ

۲ — اسبابی

آ — مأخذک تأمینی



- ب — مخرجك تأمینی  
 پ — نقلیات ومخبراتك تأمین وتعالیمی  
 ت — رقابتك تنظیمی  
 ۳ — اکا عائد حادثات  
 ۶ — بین الملل تسویۂ حسابات  
 ۱ — مؤسسه لری  
 آ — بین الملل سندات بورسه لری  
 ب — » بانقہ لری  
 ۲ — وساطتی  
 آ — دین سندلری  
 ب — امتعه سندلری  
 ۳ = صفحہ لری  
 آ — بین الملل تقدأ تأدیات ایله معامله  
 ب — » اعتبار ایله تأدیات  
 پ — » تقاص معامله سی  
 ۴ — اکا عائد حادثات

### ب . — شکل نقطه نظرندن بین الملل مناسبات اقتصادیہ

- ۱ — بین الملل قارتل استلافاتی  
 ۱ — شرائط اولیه  
 ۲ — اکا عائد حادثات  
 ۳ — تأثیراتی

حقوق فاکوالتہ سی اقتصاد

مدرسی دو قنور

فرہ دینخ ہورفماہ

معاون و مترجمی

محمد امین